



Patpatgenmi a Nagannak/Mangay-aywan:

Pakaragsakanmi a dakayo ken ti familyayo ket kameng ti agduduma a komunidad tayo, a pakaus-usaran itan ti nasurok a sangagasut a nadumaduma a lengguwahe. Sikakari dagiti Pagadalan Publiko iti Prince William County a mangipaay iti tunggal estudyante iti *Primera-Klase nga Edukasyon*. Gapu ta napateg ti pannakitinnulong ti pamilya iti dayta a proseso, pakaragsakanmi ti mangidiaya iti sumagmamano a kangrunaan nga impormasyon a tumulong iti tunggal nagannak ken mangay-aywan tapno maawatanda ken mairamanda iti edukasyon ti anakda.

Amin a materyales ti pagadalan ket maited iti Ingles; nupay kasta, itultuloymi nga ipatarus dagiti kangrunaan a dokumento ken impormasyon kadagiti kasansanan a makidkiddaw a lengguwahe iti lugar tayo.

Dagiti agus-usar iti kaadduan a lengguwahe ket mabalin a matulungan ti napateg ken kanayon a mapabaro nga impormasyon iti Web site dagiti Pagadalan Publiko iti Prince William County—[pwcs.edu](http://pwcs.edu)—ken kadagiti indibiduwal a lugar ti pagadalan. Amin dagitoy ket addaan iti dakkell a Google Translation tool, a mangidiaya iti limitado a panangipatarus iti nasurok ngem 50 a lengguwahe. Dagiti panangipatarus ti computer ket masansan a saan a perpekto, ngem makaitedda latta kadagiti napateg a link iti impormasyon ti pagadalan. No awan ti mabalinyo nga usaren a computer iti balayyo, mabalinyo nga usaren dagiti computer iti aniaman a publiko a library.

Ti kapatgan, ipaay ti Dibisyon ti Pagadalan ti access kadagiti propesyonal a mangipatarus ti pagsasao a tumulong kadagiti agus-usar iti kaadduan a sabali a lengguwahe tapno maawatanda dagiti dokumento a naglaon iti napateg nga impormasyon maipanggep kadagiti karbengan ken pagrebengan ti estudyante ken nagannak, dagiti manamnama, ken dadduma pay a banbanag mainaig iti panagbasa ken dagiti benepisyo ken serbisyo a mabalin nga awaten dagiti estudyante. Makatulong dagiti mangipatarus ti pagsasao kadagiti kumperensiya ti nagannak maipanggep kadagitoy a banbanag tapno masigurado a maiyebkas ti amin ti kapanunotanda ken maawatan dagitoy. Dagitoy a serbisyo ket maipaay kadagiti pamilya nga awan bayadna.

DR. STEVEN L. WALTS  
*Superintendent of Schools*

**Usaren ti aniaman kadagitoy a wagwagas no kasapulanyo ti ispesipiko a tulong.**

- Online—mapankay iti translations.pwcs.edu
- Personal—mapankayo iti pagadalan ti anakyo. Mabalin nga awan ti madadaan nga agus-usar iti lengguwaheyo. Nupay kasta agusarto ti maysa nga empleyado iti poster tapno matulungandakayo.

Iti amin a kaso, makiddawto nga itedyo ti sumaganad:

- Ti naganyo ken ti nagan ti anakyo;
- Ti pagadalan ti anakyo, tukad ti gradona, ken nagan ti mangisursuro kenkuana;
- Ti tao (nagan wenno trabaho na) a kayatyo a kapatang, ken ti topiko a pagpatangan; ken
- Ti numero ti telepono a pangtawaganda kadakayo ken ti kasayaatan nga oras ti itatawag.

No mangiyawid ti anakyo iti mensahe manipud iti pagadalan nga agkidkiddaw iti miting; wenno no kayatyo nga urnosen ti panagpatangyo ken ti maysa a mangisursuro wenno dadduma pay nga opisyal ti pagadalan, usaren dagiti wagwagas a nasao iti ngato tapno kiddawen ti mangipatarus ti pagsasao a tumulong kadagitoy napateg a patangan. Addanto tumawag kadakayo iti kabiitan a panawen.

Dakkel ti maaramidan ti pannakitinnulongyo iti edukasyon ti anakyo, ken sigagagar kami a tumulong babaen panangidiaya kadagitoy a serbisyo kadakayo. Namnamaenmi a nalawag ti panangipakaammo daytoy a surat iti kari dagiti Pagadalan Publiko iti Prince William County iti anakyo ken kadakayo. Patiek a kas iti tarigagaymi, kayatyo met a makaawat ti tunggal estudyante iti Primera-Klase nga Edukasyon.

Toy sipupudno,



Dr. Steven Walts

Superintendiyente dagiti Pagadalan

\*No bisbisitaen ti pwcs.edu, biruken ti de-kolor a globo tapno masarakan dagiti panid nga addaan kadagiti impormasyon a nailadawan iti daytoy mensahe.

